

# 革命回憶

彭晟遺著

革命先進彭晟老先生曾任大元帥府祕書，係我國前駐日大使彭孟緝將軍之封翁，功在黨國，自甘淡泊，畢生勲業，罕於道及，彭老先生業於六十三年五月病逝台北寓所。這一篇「革命回憶」，出自彭老先生手筆，記述甚詳，彌足珍貴，謹予原文揭載以饗中外讀者。

——編者——

清季，國父倡導革命，海內雲從，湖北青年傾向尤衆。辛亥春，友人田桐在武漢策動革命，祕密集合同盟會會員，全力推進。余自加入後，擔任聯絡學生，每於課餘散發小冊，宣傳三民主義，向各學校鼓吹，收效頗大。由是鄂學生界，革命潛勢力日益擴展，卒有助於武昌首義之成功。

辛亥秋，武昌起義，軍政府成立，余入外交部掌理文書。民國元年鄂局驟變，同志星散，乃離鄉赴滬，待機再舉。民國三年，本黨改組爲中華革命黨，余再宣誓入黨，繼續奮鬥。民國六年，廣州開府，余間關南下，任大元帥府祕書。民國八年修正黨章，更名中國國民黨，余重行加盟，在本黨廣州特設辦事處辦理黨政。民國九年，伍梯雲先生出任軍政府總務廳長，蒙調任銓敘科長。在職時，擬定人事法規二十餘種，創立銓敘規模。其時粵局日有進展，不意岑春煊等別蓄異志，伍老博士廷芳父子被迫離粵，幾使革命大業功虧一簣。余抱與伍氏共進退決心，拒擬伍氏免職令，辭職遠引。民國十年桂軍潰敗，局勢重振。國父返旆回粵，經國會選舉爲非常大總統，於五月五日就任，重握政權，伍老博士復出長外交，革命勢力洵

鞏固，政府基礎始創立。余奉政府電召復職。重至廣州，仍回秘書處辦理紀錄。國父演講文稿，暨兼管繕校等事。民國十一年，設立大元帥行營，出師北伐，移駐桂林，特任胡漢民爲祕書長，李烈鈞爲參謀總長，林修梅爲參軍長，田桐爲宣傳處長，蔣作賓爲幕僚處長，孔庚爲軍法處長，各省暨各軍均派代表參加，人才會萃，盛極一時，余奉調行營祕書處掌管機要。同時，粵、桂、湘、贛、滇、閩各路大軍齊集桂林，聲威遠播，尤以許崇智所率之第二軍最爲精銳。段祺瑞密遣徐樹錚來桂，洽商合作。北洋軍閥聞風震驚，陰圖破壞，暗誘粵軍陳炯明阻撓北伐。適粵第一師長鄧鏗被刺於廣九車站，陳炯明之叛跡漸著，軍事多受影響。國父親身回粵鎮撫，免去陳之本兼各職。及六月十六日（後定爲蒙難紀念日），逆謀顯露，派兵圍總統府，砲轟觀音山，實行叛變。國父走海珠，登永豐軍艦（後改名爲中山軍艦），率海軍戡亂，一面電召北伐軍回師討逆。余隨軍返粵，行抵韶關，遇叛兵劫掠，行李一空。余與行營諸同志避於良村，脫險後，馳赴永豐軍艦謁國父，報告行營狀況，奉命留軍艦服務。余經常乘小舟在海面巡邏，偵查敵情。偶至沙面，獲悉叛軍有潛置水雷圖炸軍艦陰謀，立即密報。國父，分諭艦上同志嚴密防範，卒告無恙。彼時。國父駐節白蠶潭靖亂，內外阻隔，頗感消息不靈，特派國府祕書長謝持赴港組織辦事處，並派余及李祿超、陳雨潮、吳醒亞、張四維、謝啓等前往襄助。同人到港，在筲箕灣七姊妹僻地暗設機關，辦理情報及籌餉等事。各地華僑聞知，捐款甚爲踴躍。余每日往返省、港，遞傳機密，籌辦供應，並與居覺生在沙面暗通聲氣。曾因送餉趕車跌傷，仍力疾前往，藉免貽誤。又曾銜命赴梧，會同廖湘芸撫慰桂軍關國雄部隊，幾被敵探陷害，余仍冒險馳驅，幸不辱命。嗣以北伐軍中道被阻，國父乃乘英國軍艦駛港轉滬，另商大計。余等隨即離港，暫駐上海環龍路四十四號待命。此次被燬。國父重要著作甚多，而精神上損失亦極大。余是役貢獻箇人能力，奔馳港、梧、廣州，籌運軍餉，供集情報，不避艱險，終能達成任務，深蒙國父嘉許，特在總理全書第一冊「大總統蒙難紀念錄」第九頁第七行刊載省、港兩方效力人物，原文內有「派遣同志每日不分晝夜，付送報告款項。其來省城者，

以吳醒亞、陳雨潮、張四維、彭晨、謝啓、李文濱七人最力」等語，以紀其事。民國十二年，福建收復，余與吳醒亞奉派赴閩視察黨務，在福州聯合各方同志馮熙周等，籌組游擊軍千餘人，準備襲擊陳炯明之叛軍，遂爲黨軍聲援。所幸粵亂迅速救平，政府重建，國父再蒞廣州指揮北伐。余復回總統府祕書處供職，仍兼辦繕校國父演講文稿。（現存國史館三民主義講稿，尙有本人筆錄）。民國十三年，國父在粵改組本黨，採用民主集權制，親訂建國大綱，創設黃埔軍官學校，奠定革命武力，是時北京遽起政變，段祺瑞爲臨時執政，大局甚形混亂。國父主張開國民會議，改善國民生計，廢除不平等條約，毅然北上共商國是。民國十四年三月十二日，終因勞瘁過度，逝世行轅。而手創三民主義，從此昭垂萬古，其救世救人之宏願，永爲全世界人類所欽仰。當國父尙未啓節之前，設大本營於韶關，籌備二次出師北伐，特命湘軍總司令譚延闓兼代大元帥職務。余奉調行營，典守機要兼監印，遂隨大軍出發，步行經南雄、大庾嶺，而入贛南行營。當此軍事緊急，昕夕從公，不啻以戎馬書生，而實兼前方鬥士也。隨因贛南情勢逆轉，譚代帥急派余與楊綿仲同志瀟夜護送帥印暨機密文件返粵，余仍回廣州國府祕書處任事，並兼籌餉局祕書。又值滇軍楊希閔、桂軍劉震寰兩部在粵橫征暴斂，佔據省城，陰圖抗命。余與劉民畏奉令留城密辦軍事情報。欣逢蔣總統親率大軍中討，瞬即平定，軍威大振。民國十六年，余隨政府遷鄂。當時黨權爲中共竊竊，赤氣猖獗，一切大政多被規持，政局極端杌隉。蔣總統主張遷都南京，本黨忠實同志均密議轉道赴寧。余子孟緝正畢業五期黃埔軍校，奉令調鄂，在漢口「血花世界」演劇宣傳黨義。忽有共產黨徒林彪、李立三等在場開會反蔣，詞極侮辱。當即義憤填膺，出而制止，致爲林、李誣報駐漢中央黨部，密飭武漢衛戍司令部拘禁，將處以極刑。忽因余子突患重病，余適在譚代主席官邸辦事，經懇請譚公營救，蒙俯允批准交保就醫。出獄後，疾已稍瘳，余即率同離鄂，繞道赴寧。抵南京時，余即奉命任國府祕書處第一股股長兼外交部祕書處幫辦及第一科科長等職。余子在京主辦軍校第五期同學錄，事竣，負笈東瀛，留學日本千葉野戰砲兵專科。回國後，仍任軍職。民國

十七年義師北指，平津底定，國府派余辦理接收前國務院事宜，當與楊熙績同志前往，將一切公物文卷點收清晰，造冊呈府復命。是年十月，國府祕書處改組為文官處，余調任該處文書局第一科科長。民國十八年冬，又奉命赴平考察故宮文獻，經接運清史稿、四部叢刊及宋板圖書等四十箱回京。民國十九年春，奉令兼任國府參事。民國二十年秋，奉令兼代國府文官處文書局長。民國二十一年「一二八」之役，政府遷洛，余在行轅督率同仁，踴勉從公，以應事變，幸無隕越。民國二十六年，抗戰軍興，余子孟緝時任重砲團長，正在淞滬作戰，余率家隨政府西遷重慶，共赴國難。民國二十七年，敵機轟炸甚烈，余家在渝被毀，損失極巨，而擁護政府抗戰之志彌堅。此次所記，因家藏革命史料、筆記、照片及宗譜悉付一炬，以致缺乏參考資料，未能詳加記載，深堪痛惜！余以奔走革命，頻年勞碌，精力日衰，乃辭職山居休養，奉調國府參議。民國二十九年，中央決議實施行政三聯制，成立黨政工作考核委員會。蒙蔣作賓主任，再三敦促，囑擔任考核行政司法等部門。祇以國難方殷，復出而贊襄，奉派考核中央司法各機關，曾擬具改良司法及監獄芻議，多承採納。嗣兼法令研究委員會主席，研討失效暨抵觸之法令百餘類，分別簽註，陳請修正廢除。又迭奉派往陝、甘、川、康等省考察政務，當將查明之利弊得失，縷陳改革意見，上供採擇。逮抗戰勝利，遂辭卸仔肩，攜眷返南京退隱。民國三十七年，長子孟緝迎養來台，從此謝絕酬應，閉門養晦，日常消閒課孫，惜陰運甕，補讀未完之書，以益不足之智。余自獻身革命，忠貞自矢，屢經世變，志節不渝，平生服膺三民主義，反對共產暴行。雖當危疑震撼之秋，顛沛流離，與本黨共存亡之志，始終如一。此次乘桴來台，尤抱擁護政府之赤忱，與共匪不共戴天之決心，嘗勗兒孫克繼吾志，效忠 蔣總統，謹遵「毋忘在莒」之訓，努力反共抗俄，拯救大陸同胞，完成建國復興大業，實現三民主義之偉大使命。吾人安居寶島，享受自由，回首大陸人民尚在水深火熱之中，亟應管膺臥薪，力圖匡復，為同胞解救倒懸。所願發奮圖強，同心禦侮，奏少康中興之功，竟王師北定之志，不禁馨香祝之！